



## БАСПАСӨЗ РЕЛИЗІ

Базалық мөлшерлемені 15,75%-ға дейін төмендету туралы

2023 жыл, 24 қараша

Астана қ.

Қазақстан Республикасы Ұлттық Банкінің Ақша-кредит саясаты комитеті базалық мөлшерлемені +/– 1 п.т. дәлізімен жылдық **15,75%-ға** дейін төмендету туралы шешім қабылдады. Мұндай шешімге келуге Ұлттық Банктың болжамдарды жаңартуы, деректерді талдауы және инфляция тәуекелдерінің балансын бағалауы негіз болды.

Жылдық инфляция белсенді түрде баяулап келеді. Алдағы айларда оның көрсеткіші бір таңбалы мәнгө жетеді деп қүтіледі. Қазанда айлық инфляция орташа тарихи мәндерге дейін баяулады. Сыртқы инфляциялық қысым орталық банктердің қатаң саясаты мен әлемдік азық-түлік бағасының төмендеуі аясында бәсендеп келеді. Алайда назар аударуды қажет ететін жекелеген факторлар мен тәуекелдер бар. Ішкі экономикада фискалдық ынталандыру, орнықты ішкі сұраныс, жоғары және тұрақсыз инфляциялық құтулер таралынан проинфляциялық қысым сақталып отыр.

Базалық мөлшерлеме бойынша қабылданатын алдағы шешімдер нақты инфляция динамикасының оның болжамды траекториясына сәйкестігіне байланысты болады. Инфляция бойынша 5% мақсатына қол жеткізу қажеттілігі ортамерзімді кезеңде ұстамды қатаң ақша-кредит шарттарын ұстап тұруды талап етеді.

**Жылдық инфляция** 2023 жылғы қазанда **баяулап, 10,8%-ды** құрады және алдыңғы болжамды диапазонның төменгі шегіне жақындалап келеді. Айлық инфляция 2023 жылғы қазанда өзінің орташа тарихи мәндеріне дейін төмендеп, **0,7%-ды** құрады. Баға өсімі қазір жүргізіліп отырған ақша-кредит саясатына, жаңандық инфляциялық қысым мен өндірістік шығындардың төмендеуіне, логистикалық тізбектердің біртіндеп қалпына келуіне, билік қабылдаған шараларға, сондай-ақ өткен жылғы жоғары базаның ықпалына байланысты баяулап келеді. Базалық және маусымдық факторларды ескермейтін инфляция көрсеткіштері тұрақталды. Алайда, олар таргеттен жоғары қалыптасып, тауарлар мен көрсетілетін қызметтердің кең ауқымына бағаның орнықты өсуін көрсетіп отыр.

Инфляцияның бірқалыпты баяулауына қарамастан, халықтың **инфляциялық құтулері** жоғары деңгейде сақталуда және жекелеген тауар нарықтарында ахуалдың өзгеруіне сезімтал күйінде қалып отыр. 2023 жылғы қазанда алдағы бір жылда күтілетін инфляция көрсеткіші өсті. Жанар-жағармай бағасының өсуі мен азық-түлік өнімдері бағасының динамикасы жоғары құтулердің негізгі факторына айналды.

**Жаңандық инфляция баяулау үрдісін жалғастырып келеді.** Бірқатар елде, соның ішінде сауда-серіктес елдердің көбінде инфляцияның баяулау үрдісі сезіледі. Бұл ретте алдыңғы болжаммен салыстырғанда Ресейдегі инфляцияның жоғары деңгейіне байланысты сыртқы инфляциялық қысымның күшею тәуекелдері сақталып отыр. Ортамерзімді перспективада сауда-серіктес елдерде инфляция нысаналы мәндеріне жақындаған сайын проинфляциялық қысым әлсірейтін болады. ФАО азық-түлік бағасының индексі қант, дәнді дақылдар, өсімдік майлары мен ет бағасының арзандауы аясында төмендей бастады. Ұсыныстың маусымдық үлғауы есебінен дәнді дақылдар бағасы төмендейді деп қүтіледі. Алайда 2023 жылдың аяғы мен 2024 жылдың басында Украинадан астық жеткізу көлемі төмендегендіктен, баға өседі деген құтулер бар. 2024 жылдың ортасынан бастап ұсыныстың үлғауына және логистикалық

тізбектердің жақсаруына байланысты дәнді дақылдар бағасы біртінде төмендейді деп күтілуде.

Сыртқы ақша-кредит талаптары қатаң қалпында қалып отыр. Инфляцияның алдағы динамикасы бойынша белгісіздік АҚШ ФРЖ мөлшерлемесінің төмендеу циклінің басталуын кейінге қалдырып отыр. ЕОБ жоғары мөлшерлеме саясатын ұзақ үақыт ұстауды көздейді. Кейбір сауда-серіктес елдерде инфляция нысаналы мәндерінен жоғары болуына байланысты ақша-кредит саясатының қатаңдау үрдісі жалғасуда.

Базалық сценарииде ОПЕК+ өндіруді қысқартуы және Таяу Шығыстағы соғыс қимылдарының ұзаруы аясында **осы жылдың соңына дейін Brent маркалы мұнайдың бағасы 1 баррель үшін 85-90 АҚШ доллары аралығында тұрақтанады деп болжанады**. Базалық сценарииде 2024 және 2025 жылдары әлемдік экономиканың әлсіз өсуі салдарынан қуат көздеріне деген орташа сұранысқа байланысты Brent маркалы мұнай бағасы, тиісінше, орташа есеппен 85 АҚШ долларын және 80 АҚШ долларын құрайды деп болжануда.

**Инфляцияның 2023 жылға арналған болжамы 9,3-10,3%-ға дейін жақсарды.** 2023 жылға арналған болжамды қайта қарау түрғын-үй коммуналдық қызметі (ТКҚ) тарифтерінің күтілген деңгейден төмендік өсуіне және азық-түлікке жатпайтын тауарлар бағасының анағұрлым ұстамды өсуіне байланысты. 2024 жылға арналған болжам – **7,5-9,5%** деңгейінде, 2025 жылға – **5,5-7,5%** деңгейінде сақталып отыр. 2024-2025 жылдарға арналған **инфляциялық болжамның негізгі тәуекелдеріне** – фискалдық ынталандырудың күшеюі, инфляциялық құтулердің тұрақсыздығы, 2023 жылды төмен өнім алу ықпалына байланысты азық-түлік бағасының ықтимал өсуі, сондай-ақ ТКҚ тарифтері өсуінің тікелей әсері жатады. Инфляциялық болжам Қазақстан Республикасының Үкіметі талқылап жатқан қосымша құн салығын (ҚҚС) 2025 жылды көтеруді ескермейді.

**Қазақстан экономикасының өсуі бойынша 2024 және 2025 жылдарға арналған болжам қайта қаралды.** Бынан ЖІӨ-нің өсуі бұрынғыдай **4,2-5,2%** деңгейінде күтілуде. 2024 жылға арналған болжам ТШО-да өндірісті ұлғайта бастаудың 2024 жылдың соңына немесе 2025 жылға ықтимал ауысына байланысты **3,2-4,2%-ға** дейін төмендетілді. Осының аясында төмендік база әсерінен 2025 жылға арналған болжам, сәйкесінше, **5,5-6,5%-ға** дейін көтерілді. Болжам тәуекелдерін күшеттетін негізгі әрі маңызды фактор – 2024-2025 жылдары мұнай өндіру параметрлеріне қатысты белгісіздік болып табылады.

Жылдық инфляцияның қарқынды төмендеуі және оның 2023 жылдың соңына төмендік болжамдары базалық мөлшерлемені төмендетуге мүмкіндік берді. Базалық мөлшерлеме бойынша қабылданатын шешімдер нақты инфляция динамикасының оның болжамды траекториясына сәйкестігіне байланысты болады. 2024 жылды инфляцияның одан әрі баяулауы кезінде Ұлттық Банк инфляцияны 5% мақсатқа қайтару және инфляциялық құтулерді тұрақтандыру үшін ортамерзімді келешекте ұстамды қатаң ақша-кредит шарттарын сақтау қажеттілігін ескере отырып, базалық мөлшерлемені біртінде төмендетудің орындылығын қарастырады. Сонымен қатар, деректерді жинақтау және тәуекелдер теңгерімін бақылау мақсатымен базалық мөлшерлемені өзгерту кезінде кідіріс болуы мүмкін.

Болжамның негізгі параметрлері баспасөз релизінің қосымшасында келтірілген. Қабылданған шешім мен болжам факторлары туралы барынша толық ақпарат 2023 жылғы 4 желтоқсанда Ұлттық Банктің ресми интернет-ресурсына<sup>1</sup> орналастырылатын Ақша-кредит саясаты туралы баяндамада ұсынылатын болады.

Қазақстан Республикасы Ұлттық Банкінің Ақша-кредит саясаты комитетінің базалық мөлшерлеме бойынша кезекті жоспарлы шешімі 2024 жылғы 19 қаңтарда Астана қаласының үақытымен сағат 12:00-де жарияланады.

<sup>1</sup> <https://www.nationalbank.kz/kz/page/obzor-inflyacii-dkp>

**Толығырақ ақпаратты БАҚ өкілдері мүнәсабаттау**

+7 (7172) 775 210

e-mail: [press@nationalbank.kz](mailto:press@nationalbank.kz)

[www.nationalbank.kz](http://www.nationalbank.kz)

**Базалық сценарий бойынша Қазақстан Республикасы Ұлттық Банкі  
болжамының негізгі параметрлері**

	<b>2023</b>	<b>2024</b>	<b>2025</b>
<b>Болжам шарттары</b>			
<b>Brent маркалы мұнай бағасы, бір баррель үшін АҚШ доллары, жылдық орташа шамамен</b>	<b>84</b> (80)	<b>85</b> (80)	<b>80</b> (77)
<b>Болжам</b>			
<b>ЖІӨ %, ж/ж</b>	<b>4,2-5,2</b> (4,2-5,2)	<b>3,2-4,2</b> (4-5)	<b>5,5-6,5</b> (4-5)
<b>ТБИ %, желтоқсанда, алдыңғы жылғы желтоқсанға қатысты</b>	<b>9,3-10,3</b> (10-12)	<b>7,5-9,5</b> (7,5-9,5)	<b>5,5-7,5</b> (5,5-7,5)
<b>Ағымдағы шот, ЖІӨ-ге %-бен</b>	<b>-3,5</b> (-3,4)	<b>-2,9</b> (-2,8)	<b>-2,1</b> (-1,9)